

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2018. godinu, broj: 2-14-3073/18 od 22.02.2018. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 148. sjednici održanoj dana 22.06.2018. godine, d o n o s i

ZAKLJUČAK

I.

Daje se saglasnost na „Program sufinansiranja zapošljavanja VSS, VŠS, SSS i KV mladih osoba bez radnog iskustva u 2018./2019. godini“ iz grant sredstava Vlade Zeničko-dobojskog kantona.

II.

Ugovorom o sufinansiranju zapošljavanja VSS, VŠS, SSS i KV mladih osoba bez radnog iskustva u 2018./2019. godini između Zeničko-dobojskog kantona, JU Služba za zapošljavanje i svakog poslodavca pojedinačno uredit će se međusobna prava i obaveze na realizaciji Programa.

III.

Ovlašćuje se ministar za rad, socijalnu politiku i izbjeglice da u ime Vlade Zeničko-dobojskog kantona potpisuje ugovore iz tačke II. ovog zaključka.

IV.

Za realizaciju Programa zadužuju se Ministarstvo za rad, socijalnu politiku i izbjeglice i JU Služba za zapošljavanje Zeničko-dobojskog kantona.

V.

Zaključak stupa na snagu danom donošenja.

Broj: 02-_____/18.
Datum 22.06.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x JU Služba za zapošljavanje Zeničko-dobojskog kantona (putem ministarstva),
1x a/a.

**PROGRAM
SUFINANSIRANJA ZAPOSŁJAVANJA VSS, VŠŠ, SSS i
KV MLADIH OSOBA BEZ RADNOG ISKUSTVA U
2018./2019. GODINI**

U Zenici, 12.06.2018. godine

1. Osnov za donošenje, izvor finansiranja i nosilac realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba (Službene novine Federacije BiH, br. 41/01, 22/05 i 9/08), sačinjen je Program sufinansiranja zapošljavanja VSS, VŠS, SSS i KV mladih osoba bez radnog iskustva u 2018./2019. godini (u daljem tekstu: Program).

Za realizaciju Programa je predviđeno ukupno 690.000,00 KM, koje obezbjeđuje Vlada Zeničko-dobojskog kantona i Ministarstvo za rad, socijalnu politiku i izbjeglice (u daljem tekstu: Ministarstvo), od čega je planirano sufinansiranje zapošljavanja 100 VSS/VŠS pripravnika i 100 SSS/KV pripravnika. Za realizaciju Programa je zadužena Služba za zapošljavanje ZDK (u daljem tekstu: Služba).

2. Cilj Programa

Program se realizuje s ciljem zapošljavanja mladih osoba dobi do 35 godina, bez radnog iskustva u struci, koje se nalaze na evidenciji Službe najmanje dan prije prijave poslodavca na Javni poziv, i koje aktivno traže posao.

3. Korisnici

3.1. Poslodavci

Pravo učešća u Javnom pozivu imaju poslodavci koji imaju najmanje jednog radnika, koji redovno izmiruju obaveze po osnovu poreza, doprinosa i javnih prihoda ili koji sa Poreznom upravom Federacije BiH imaju potpisan Sporazum o odgođenom plaćanju duga po osnovu javnih prihoda.

U Programu ne mogu učestvovati:

- poslodavci koji su koristili kreditna ili bespovratna sredstva iz poticajnih mjera Federalnog zavoda za zapošljavanje i/ili Službe, a nisu ispoštovali obaveze u skladu sa zaključenim ugovorima
- poslodavci koji ne izmiruju redovno obaveze po osnovu poreza, doprinosa i javnih prihoda
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa zaposlenikom nisu zaključili ugovor o radu (rad na crno).

Po objavi Javnog poziva poslodavcu iz realnog sektora se može odobriti sufinansiranje zapošljavanja najviše do pet osoba, a poslodavcu iz javnog sektora najviše do tri osobe sa evidencije nezaposlenih Službe.

Poslodavcu se neće sufinansirati zapošljavanje osoba, tj. neće se zaključiti ili će se raskinuti ugovor o sufinansiranju zapošljavanja ukoliko se utvrdi namjera zloupotrebe ciljeva i drugih odredbi ovog Programa.

3.2. Nezaposlene osobe

Ciljna grupa su nezaposlene osobe dobi do 35 godina, bez radnog iskustva u struci, prijavljene na evidenciju Službe najmanje dan prije prijave poslodavca na Javni poziv, i koje aktivno traže posao.

4. Poticajna mjera i način sufinansiranja

Programom je predviđeno sufinansiranje zapošljavanja mladih nezaposlenih osoba VSS/VŠS sprema u trajanju od 12 mjeseci, te sufinansiranje zapošljavanja mladih nezaposlenih osoba SSS/KV sprema u trajanju od šest mjeseci, izuzev pripravnika VS sprema medicinske struke, čije se zapošljavanje sufinansira u trajanju od 6 mjeseci.

Osnovni mjesečni iznos poticaja je 350,00 KM i za VSS/VŠS spremu i za SSS/KV spremu, i isti obuhvata dio troškova obaveznih doprinosa i/ili dio neto plaće.

Osnovni iznos poticaja se može povećati za 50,00 KM mjesečno, ukoliko je u pitanju zapošljavanje nezaposlenih osoba koje su duže od šest mjeseci na evidenciji nezaposlenih.

5. Raspodjela sredstava

Pri raspodjeli sredstava realnom i javnom sektoru, poslodavcima iz javnog sektora ne može se odobriti veći iznos od 40% ukupno raspoloživih sredstava. Uvažavajući princip međuopćinske solidarnosti, vodiće se računa o pravičnoj raspodjeli sredstava po općinama Kantona.

Kriteriji za bodovanje zahtjeva

1. DJELATNOST

Redni broj	Djelatnost	Broj bodova
1.	Proizvodnja	3
2.	Ostalo	1

()

2. BROJ OSOBA ČIJE SE ZAPOSŁJAVANJE SUFINANSIRA

Redni broj	Broj osoba	Broj bodova
1.	3 i više	3
2.	2	2
3.	1	1

()

3. BROJ ZAPOSLENIH RADNIKA KOD POSLODAVCA

Redni broj	Broj osoba	Broj bodova
1.	31 i više	5
2.	od 21 do 30	4
3.	od 16 do 20	3
4.	od 6 do 15	2
5.	od 1 do 5	1

()

Korektivni kriterij: Zapošljavanje posebnih kategorija nezaposlenih osoba

Kod zahtjeva sa istim brojem bodova, prednost će imati zahtjevi kojima se traži sufinansiranje zapošljavanja osoba iz kategorija: djeca šehida/poginulih boraca, djeca ratnih vojnih invalida, djeca demobilisanih boraca, osobe sa posebnim potrebama, djeca samohranih roditelja i to po redoslijedu prednosti kako je navedeno u ovoj tački.

6. Priprema za realizaciju programa

U okviru pripremne faze Programa, Služba:

- informiše javnost o Programu najmanje dva dana prije objave Javnog poziva
- objavljuje Javni poziv za učešće u Programu
- izrađuje obrazac ugovora
- izrađuje obrazac za prijavu na Javni poziv.

6. Javni poziv

Služba objavljuje Javni poziv za učešće u Programu putem oglasne ploče, internet stranice Službe: www.zdk-szz.ba, te internet stranice Vlade ZDK: www.zdk.ba.

Javni poziv ostaje otvoren 15 dana od dana objavljivanja.

Zainteresovani poslodavci se prijavljuju na Javni poziv popunjavanjem prijave (aplikativnog formulara) na Program, koju će moći preuzeti na internet stranici Službe: www.zdk-szz.ba, te na internet stranici Vlade ZDK: www.zdk.ba.

Poslodavci su, prilikom prijave na Javni poziv, dužni dostaviti sljedeću dokumentaciju:

- popunjenu, potpisanu i ovjerenu Prijavu - aplikativni formular
- kopiju kartona deponovanih potpisa u poslovnoj banci (specimen potpisa)
- Uvjerenje o izmirenim obavezama po osnovu poreza, doprinosa i javnih prihoda (original ili ovjerenu kopiju ne stariju od tri mjeseca).

Budžetski korisnici, organi uprave i druge institucije koje posluju preko trezora, umjesto Uvjerenja Porezne uprave, dostavljaju dokaz da posluju trezorski.

7. Obaveze nakon odobravanja sredstava

Ugovor o sufinansiranju zapošljavanja po ovom Programu potpisat će se između Ministarstva, Službe i svakog poslodavca pojedinačno. Po odobravanju zahtjeva, a najkasnije u roku od osam dana od dana kada je pismenim putem poslodavac obaviješten o odobravanju poticaja, poslodavac Službi dostavlja:

- kopiju ugovora o radu za osobu koja se zapošljava, s tim da ugovor o radu ne smije biti zaključen prije obavještanja poslodavca o odobravanju poticaja
- kopiju prijave na obavezna osiguranja u Poreznoj upravi FBiH – obrazac JS 3100
- izjavu nezaposlene osobe da je upoznata sa uslovima Programa
- dokaz da sufinansirana osoba ispunjava uslove iz Korektivnog kriterija.

Odgovornost za ispunjavanje svih gore navedenih uslova, kako za poslodavca, tako i za nezaposlene osobe, snosi poslodavac.

8. Pravljanje i isplata odobrenih sredstava

Poslodavac kojem se odobre sredstva obavezan je, sve do isteka ugovornog odnosa, mjesečno, a najkasnije do kraja mjeseca za protekli mjesec, dostavljati Službi:

- specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreznoj upravi FBiH
- specifikacije uz uplatu doprinosa poduzetnika sa prebivalištem u FBiH (Obrazac 2002), ukoliko poslodavac iste predaje Poreznoj upravi FBiH
- potpisane i ovjerene platne liste sufinansirane osobe od strane poslodavca i od strane te osobe
- u slučaju pojedinačne isplate plaće, kopiju uplatnice za pojedinačnu isplatu plaće
- u slučaju zbirne isplate plaće, kopiju izvoda iz banke iz koje je vidljiva isplata zbirne plaće, kao i kopiju spiska plaća koji se dostavlja banci, a na kojem će biti navedena sufinansirana osoba.

Samo na osnovu uredno dostavljene i potpune dokumentacije poslodavcu se refundira ugovoreni iznos za protekli mjesec. Odjeljenje za posredovanje u zapošljavanju Službe priprema Zahtjev za isplatu poticaja koji dostavlja Odjeljenju za ekonomske poslove Službe. Odjeljenje za ekonomske poslove, na osnovu dostavljenog Zahtjeva Odjeljenja za posredovanje u zapošljavanju, poslodavcu refundira ugovoreni iznos za protekli mjesec. Sva originalna dokumentacija će se nalaziti u Odjeljenju za posredovanje u zapošljavanju.

9. Ostale odredbe

U slučaju nepoštivanja ugovorenih obaveza u pogledu zapošljavanja osoba, čije se zapošljavanje sufinansira, Služba će pokrenuti postupak raskida ugovora.

U slučaju nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili koristi porodijsko odsustvo, sufinansiranje zapošljavanja se obustavlja,

a poslodavcu se obračunava i refundira do tada opravdani iznos sredstava za osobu koja je privremeno spriječena za rad duže od 42 dana ili koristi porodijsko odsustvo.

10. Kontrola i praćenje izvršenja ugovorenih obaveza

Služba će, u saradnji sa Ministarstvom, kontinuirano pratiti realizaciju ugovorenih obaveza poslodavca:

- provjerom dokumentacije koju poslodavac redovno dostavlja, radi pravdanja odobrenih sredstava,
- po potrebi, kontrolom provođenja ugovorenih obaveza neposredno kod poslodavca.

Ukoliko se praćenjem realizacije ugovorenih obaveza poslodavca utvrdi da poslodavac ne ispunjava iste, Služba će pokrenuti postupak raskida ugovora.

11. Izvještavanje Ministarstva o provedbi Programa

Služba je obavezna Ministarstvu polugodišnje dostavljati izvještaje o praćenju efekata zapošljavanja i utrošku sredstava, radi praćenja realizacije Programa.

JU Služba za zapošljavanje
Zeničko-dobojskog kantona

DIREKTOR

Anto Pešić

BR: 01-45-3713/18

DATA: 12.06.2018

Ministarstvo za rad, socijalnu politiku i izbjeglice
Zeničko-dobojskog kantona

MINISTAR

Nurđehan Šahinović

BR: 09-14-215-55-1/18

12.06.2018.